

The Electronic *Manipulus florum*
www.manipulusflorum.com

Amor bf
cum fonte primo

Multum quidem uexat hominem
cum relinquitur amor mundi,
multo amplius tamen cruciat cum calcatur amor sui;
uerum michi super omnia transfigit
et penetrat cor hominis,
et excoquit desiderium estibus amor Dei.
Unde est illa uox:

Fulcite me floribus,
stipate me malis quia amore languo.

Beda super Cantica.

Multum quidem vexat hominem
cum relinquitur amor mundi,
multo amplius cruciat cum calcatur amor sui;
uerumtamen supra omnia transfigit,
et penetrat cor hominis,
et excoquit desiderii aestibus amor Dei.
Unde est vox illa flebilis:
Sitivit anima mea ad Deum fontem vivum;
quando veniam et apparebo ante faciem Domini.
Fuerunt mihi lacrymae meae panes die ac nocte,
dum dicitur mihi quotidie:
Ubi est Deus tuus (Psal. XLI); et illud in Canticis:
Fulcite me floribus,
stipate me malis, quia amore languo (Cant. 2:5);
et illud quod superius commemoravimus:
Ecce in pace amaritudo mea amarissima
(Isa. XXXVIII).

Ricardus de sancto Victore, *Mysticae adnotationes*
in Psalmos, 28 (PL 196, col.304C-D).